

# Ekonomija

## Radnicima KHK-a otpremnine i staž

LUKAVAC - Staž za oko 200 radnika Koksno-hemijskog kombinata (KHK) Lukavac biće uvezan zaključno sa 1. oktobrom, kada će dobiti i otpremnine, dogovorili su predstavnici Sindikata preduzeća i Ministarstva privrede Tuzlanskog kantona.

"Vlada TK će u idućih deset dana izmijeniti svoju odluku o uvezivanju staža zaključno sa 30. junom. Staž će ići do 1. oktobra, a svakom radniku će istovremeno sa stažom i raskidom ugovora o radu biti date otpremnine", rekla je Senada Alihodžić, predsjednica Sindikata KHK.

Prvobitni prijedlog Vlade TK bio je da staž radnicima bude uvezan do 30. juna, kada bi bili upućeni na biro, a da otpremnine dobiju do kraja godine. Radnici nisu podržali taj prijedlog i zaprijetili su štrajkom, jer su tražili da sa 30. junom dobiju i otpremnine.

"Da nismo našli kompromis, radnici bi odmah ušli u firmu", kazala je Alihodžićeva.

Prema prijedlogu Vlade TK, otpremnine i plate radnicima bi bile obezbijedene prodajom 15 odsto udjela koji KHK ima u firmi GIKIL, dok bi novac za uvezivanje staža obezbijedila Vlada, a ta sredstva bi joj bila vraćena od prodaje ovog udjela.

Direktor KHK-a Vehid Mešić kazao je da za otpremnine treba 2,5 miliona do tri miliona KM, a za doprinose do 30. juna oko 2,2 miliona KM. Koksara ne radi šest godina, doprinosi radnicima nisu uplaćeni od 2004. godine, a plate nisu dobili od 1992. godine.

M.R.

## Banka u mobilnom telefonu

SARAJEVO - Klijenti UniCredit banke od sada mogu putem mobilnog telefona obavljati finansijske transakcije u bilo koje vrijeme i neovisno o kojem je mobilnom operateru riječ.

Predušlov za korištenje ove usluge je da korisnik na mobilnom ima mogućnost konekcije na Internet. "M-ba usluga, jedinstvena na bh. tržištu, klijentu omogućuje da putem mobitela plaća režije i druge račune, prenosi novac na račune, kreira naloge za plaćanja, povlači prethodno pripremljene naloge, podmiruje kredite. Ova usluga, također, omogućava pregled stanja i promet po računima i dobijanje niza korisnih informacija o konverziji valuta ili iznosu prekoračenja po tekućem računu", navode u UniCreditu.

M.R.

Armin MUJKIĆ

ZENICA - Prve prognoze da će 2.000 radnika "ArcelorMittala Zenica" biti upućeno na čekanje juče su postale još sumornije, pa bi ovog mjeseca na prinudni odmor trebalo da ode oko 2.800 od 3.840 zeničkih metalurga.

Pojedini pogoni "ArcelorMittala Zenica", kao što su Valjaonice i Kovčavica, već danas, kada na snagu stupa odluka o privremenom prekidu rada, potpuno će opustjeti. Radnici će za vrijeme čekanja primati 55 posto prosječne plate u FBiH.

Drastične mjere Uprava preduzeća opravdala je smanjenim narudžbama čelika od inostranih kupaca usljed globalne ekonomske krize zbog čega su morali srezati proizvodnju.

Za to vrijeme u Sindikatu "ArcelorMittala Zenica" donijeli su odluku da od sutra svakodnevno radnim danima okupljaju radnike na jednoipodnevnom protestu ispred sjedišta kompanije.

"Okupljaćemo se svakodnevno u periodu od 14 do 15.30", kazao je juče Islam Imamović, pred-

# Sindikat "ArcelorMittala Zenica" Od sutra

sjednik Sindikata "ArcelorMittala Zenica". U Sindikatu tvrde da je Uprava preduzeća donijela nezakonitu odluku zbog čega će razmotriti i podnošenje tužbe.

"Osim što se služi neistinama, pozivajući se na tobožnji dogovor sa Sindikatom, Uprava je donijela nezakonitu odluku o privremenom prekidu rada. Radi se o brutalnom mobingu i zbog toga ćemo ih pozvati na odgovornost. Ozbiljno razmatramo podnošenje tužbe", rekao je Imamović optuživši i resornog federalnog ministra Vahida Heću zajedno s Upravom "ArcelorMittala" da laže radnike zeničke kompanije.

Čelnici Sindikata tvrde da na dva sastanka s Upravom, na kojima su razmatrali i odbacili predložene mjere, nisu pregovarali, već se radilo o iznošenju ultimatumu od strane menadžmenta.

"Odluku koju je donio poslodavac treba da provedu direktori pogona. U istom pogonu neko će na čekanje pet, a neko 15 dana. To zavisi od menadžera i od toga ko je kome šta donio, poklonio i da li se zamjerio direktoru", kaže Imamović.

Čelnici Sindikata optužili Upravu preduzeća da je vještački stvorila krizu, jer pogoni rade nesmanjenim kapacitetom

**HYPO GROUP**  
ALPE ADRIA  
BANK

Hyper krediti - pravi okvir za Vaše želje! Hyper štednja - sigurno okruženje!

Slijedite svoje snove.  
www.hypo-alpe-adria.ba

**SASE**

**BIFX**  
-0,49%

**SASX-10**  
-0,38%

**BLSE**

**BIRS**  
-0,17%

**FIRS**  
+0,01%

**ERS10**  
0,00%

Dioničko društvo	Zvanični službeni kurs (KM) *	Promjena kursa (%)	Vrijednost (KM)
<b>Kotacija kompanija</b>			
BOSNALIJEK D.D. SARAJEVO	11,06	-3,54	21,404.18
SARAJEVO OSIGURANJE DD SARAJEVO	7,50	0,00	1,447.50
<b>Kotacija fondova</b>			
IF "BIG INVEST. GR." D.D. SARAJEVO	2,99	-0,69	1,844.50
IF BONUS D.D. SARAJEVO	4,20	-3,45	81,900.00
IF "CROBIH FOND" D.D. MOSTAR(K1)	2,72	0,74	16,860.00
IF HERBOS FOND DD MOSTAR	4,26	-1,11	5,626.00
<b>Slobodno tržište</b>			
BIMAL BRCKO	10,50	0,00	189.00
BH TELECOM D.D. SARAJEVO	20,00	-0,20	23,820.00
ENERGOPETROL DD SARAJEVO	12,39	0,50	2,639.50
FABRIKA DUHANA SARAJEVO DD SARAJEVO	66,76	-0,39	10,681.21
FEROELEKTRO DD SARAJEVO	4,00	-20,00	800.00
JP ELEKTROPRIVREDA HZHB MOSTAR	32,00	-8,70	704.00
JP ELEKTROPRIVREDA BIH DD SARAJEVO	25,94	0,32	7,990.40
POSTBANK BH D.D. SARAJEVO	49,79	10,64	6,709.77
UNIVERZALPROMET DD TUZLA	55,00	-0,78	4,620.00
<b>Sekundarno slobodno tržište</b>			
TVORNICA PLOČA I FURNIRA DD DONJI VAKUF	3,50	-50,00	17.50
ELEKTRO GRUPE DD JAJCE	96,50	0,00	772.00
PBS DD SARAJEVO	50,00	-50,00	21,750.00
PLIN SARAJEVO D.D. SARAJEVO	7,00	0,00	13,223.00
ZADRUGAR D.D. JAJCE	260,00	4,00	780.00
			223,778.56

## Dobar dan za banke

SARAJEVO - Na jučerašnjem trgovanju na Sarajevskoj berzi ostvaren je promet od 223.778,56 KM, a u sklopu 66 transakcija prometovano je 34.226 dionica.

Promet na kotaciji iznosio je 129.082,18 KM, a na kotaciji kompanija trgovano je u vrijednosti od 22.851,68 KM. Najveći promet na kotaciji kompanija ostvaren je dionicama "Bosnalijeka" iz Sarajeva u iznosu od 21.404,18 KM po cijeni od 11,06 KM.

Na primarnom slobodnom tržištu ostvaren je promet od 58.153,88 KM, a najviše je trgovano dionicama "BH Telecoma" u iznosu od 23.820 KM po cijeni od 20 KM. Na sekundarnom slobodnom tržištu ostvaren je promet od 36.542,50 KM, a najtraženije su bile dionice PBS banke Sarajevo, kojima je trgovano u iznosu od 21.750 KM po cijeni od 50 KM. Najveći rast cijene na slobodnom tržištu od 10,64 odsto na 49,79 KM imale su dionice Postbank BH iz Sarajeva, dok su najveći pad vrijednosti od 50 odsto na 3,50 KM imale dionice Tvornice ploča i furnira iz Donjeg Vakufa.

Na kotaciji fondova ostvaren je promet od 106.230,50 KM, a najviše je trgovano dionicama "Bonusa" iz Sarajeva u iznosu od 81.900 KM po cijeni od 4,20 KM.

Vrijednost BIFX-a je pala za 0,49 odsto na 1.462,56 poena, a SASX-10 indeks je niži za 0,38 odsto i iznosi 877,02 poena.

Z.D.

Emitent	Sklopljeni poslovi		
	Prosječna cijena	% promjene cijene	Ukupan promet (KM)
<b>Službeno berzansko tržište - lista B</b>			
Boksit a.d. Milici	0,45(A)	0	450.00
Semberija PD a.d. Bijeljina	0,4	6,38	233.60
Telekom Srpske a.d. Banja Luka	1,2	-0,83	40,746.94
Tržnica a.d. Banja Luka	1,1	-0,9	495.00
NLB razvojna banka a.d. Banja Luka	3,920	0	15,680.00
<b>Službeno berzansko tržište - akcije IF-ova</b>			
ZIF BLB - profit a.d. Banja Luka	2,43	0	223.56
ZIF Euroinvestment fond a.d. Banja Luka	4,19	0,24	12,545.00
<b>Službeno berzansko tržište - novo tržište</b>			
Fratello Trade a.d. Banja Luka	4,1	2,5	205.00
<b>Slobodno tržište</b>			
Poljoprivrednik a.d. Derventa	0,39	0	4,729.14
Rafinerija nafte a.d. Bosanski Brod	0,16	5,26	5,323.68
			80,631.92

## Rafinerija nafte vratila dio gubitka

BANJALUKA - Na jučerašnjem trgovanju na Banjalučkoj berzi ostvaren je promet od 80.631,92 KM, kroz 36 transakcija.

Na službenom berzanskom tržištu lista B najveći promet je ostvaren akcijama "Telekoma Srpske" u iznosu od 40.746,94 KM, po prosječnoj cijeni od 1,20 KM za 0,83 odsto nižoj u odnosu na prošlo trgovanje.

Na slobodnom berzanskom tržištu najveći promet ostvaren je akcijama Rafinerije nafte Brod u iznosu od 5.323,68 KM, po prosječnoj cijeni od 0,16 KM za 5,26 odsto višoj u odnosu na prethodno trgovanje.

Akcije ovog preduzeća jedine su imale rast cijene, dok pad vrijednosti akcija nije zabilježen niti kod jednog emitenta na ovom segmentu tržišta.

Kod fondova najveći promet je ostvaren akcijama "Euroinvestment fonda" iz Banjaluke u iznosu od 12.545 KM, po prosječnoj cijeni od 4,19 KM za 0,24 odsto višoj u odnosu na prethodno trgovanje.

Akcije ovog fonda imale su najveći rast vrijednosti, dok pad cijene akcija nije imao nijedan fond.

Vrijednost BIRS se smanjila za 0,17 odsto na 920,42 poena, FIRS je porastao za 0,01 odsto i iznosi 1.255,65 poena, a ERS10 indeks je ostao na 627,94 poena.

Z.D.

